

58.384

尚書正義

三

新華日報

三

尚書正義卷第六

國子祭酒上護軍曲阜縣開國子臣孔穎達奉

勅撰

禹貢第一

夏書

禹別九州

分其

隨山濬川

刊其木深其流

任土作貢

任其土地所有定其貢賦之差此堯

時事而在夏書之首禹之王以是功

疏

禹別至作貢

曰禹分別九州之界隨其所至之山刊除其木深

其大川使得注海水害既除地復本性任其土地

所有定其貢賦之差史錄其事以為禹貢之篇

傳分其圻界

正義曰詩傳云圻疆也分其疆界

使有分限計九州之境當應舊定而云禹別者以
堯遭洪水萬事改新此為作貢生文故言禹別耳
傳刊其木深其流正義曰經言隨山刊木序以
較略為文直言隨山不云隨山為何事故傳明之
隨山刊其木也濬川深其流也隨山本為濬川故
連言之傳任其至是功正義曰九州之土物
產各異任其土地所有以定貢賦之差既任其所
有亦因其肥瘠多少不同制為差品鄭玄云任土
謂定其肥瘠之所生是言用肥瘠多少為差也賦
者自上稅下之名謂治田出穀故經定其差等謂
之厥賦貢者從下獻上之稱謂以所出之穀市其
土地所生異物獻其所有謂之厥貢雖以所賦之
物為貢用賦物不盡有也亦有全不用賦物直隨
地所有採取以為貢者此之所貢即與周禮太宰
九貢不殊曰周禮分之為九耳其賦與周禮九賦
全異彼賦謂口率出錢不言作賦而云作貢者取

下供上之義也。諸序皆言作某篇，此序不言作禹貢者，以發首言禹，句末言貢篇，名足以顯矣。百篇之序，此類有三：微子作誥，父師少師不言作微子仲虺作誥，不言作仲虺之誥，與此篇皆為理足而略之也。又解篇在此之意，此治水是堯末時事，而在夏書之首，禹之得王天下，以是治水之功，故以為夏書之首。此篇史述時事，非是應對言語，當是水土既治，史即錄此篇，其初必在虞書之內。蓋夏史抽入夏書，或仲虺始退其策事，不可知也。

禹貢

禹制九州貢法

疏

禹貢●正義曰：此篇

史述為文發首，奠高山大川，言禹治九州之水，永害既除，定山川次秩，與諸州為引序。自導弱水至豕條，說所治之山，言其首尾相及也。自導弱水至導洛條，說所治之水，言其發源注海也。自九州牧同至成賦中，邦摠言水土既平，貢賦得常之事也。錫土姓三句，論天子於土地布行德教之事也。自

五百里甸服至二百里流摠言四海之內量其遠近分爲五服之事也自東漸于海以下摠結禹功成受錫之事 傳禹制九州貢法 正義曰禹制貢法故以禹貢名篇貢賦之法其來久矣治水之後更復改新言此篇貢法是禹所制非禹始爲貢也 禹敷土隨山刊木

洪水汎濫禹分布治九州 奠高山大川 奠定也

之土隨行山林斬木通道 疏 禹敷至大川 正義曰言禹差秩祀禮所視 分布治此九州之士其治之

也隨行所至之山除木通道決流其水水土既平乃定其高山大川謂定其次秩尊卑使知祀禮所

視言禹治其山川使復常也 傳洪水至通道正義曰詩傳云汎汎流也汎是水流之貌洪水流

而汎溢漫壞民居故禹分布治之知者文十八年左傳云舉八凱使主后土則伯益之輩佐禹多矣

禹必身行九州規謀設法乃使佐己之人分布治
之於時平地盡爲流潦鮮有陸行之路故將欲治
水隨行山林斬木通道鄭云必隨州中之山而登
之除木爲道以望觀所當治者則規其形而度其
功焉是言禹登山之意也孟子曰禹三過門不入
其家明猶三過之則其餘所歷多矣來而復往非
止一處故言分布治之傳奠定至所視▲正義
曰禮定器於地通名爲奠是奠爲定也山之高者
莫高於岳川之大者莫大於瀆故言高山五岳謂
嵩岱衡華恒也太川四瀆謂江河淮濟也此舉高
大爲言卑小亦定之矣舜典云望秩於山川故言
定其差秩定其大小次叙也定其祀禮所視謂五
制所云五岳視三公四瀆視諸侯其餘視伯子男
往者洪水滔天山則爲水所包川則水皆汎溢祭
祀禮廢今始定之以見水土平復舊制也經云荆
岐旣旅蔡蒙旅平九山刊旅是次秩旣定故旅祭之

冀州既載

堯所都也先施貢賦役載於書

疏

冀州

次以治為先

義曰九

後以水性下流當從下而治故治水皆從下為始
冀州帝都於九州近北故首從冀起而東南次兗
而東南次青而南次徐而南次揚從揚而西次荆
從荆而北次豫從豫而西次梁從梁而北次雍雍
地最高故在後也自兗已下皆準地之形勢從下
向高從東向西青徐揚三州並為東偏雍州高於
豫州豫州高於青徐雍豫之水從青徐而入海也
梁高於荆荆高於揚梁荆之水從揚而入海也兗州
在冀州東南冀兗二州之水各自東北入海也冀
州之水不經兗州以冀是帝都河為大患故先從
冀起而次治兗若使冀州之水東入兗州水無去
處治之無益雖是帝都不得先也此經大體每州
之始先言山川後言平地青州梁州先山後川徐
州雍州先川後山兗揚荆豫有川無山揚豫不言

平地、冀州田賦之下始言恒衛既從史以太略為文不為例也每州之下言永路相通通向帝都之道言禹每州事了入朝以白帝也傳堯所至於書正義曰史傳皆云堯都平陽五子之歌曰惟

彼陶唐有此冀方是冀州堯所都也諸州冀為其先治水先從冀起為諸州之首記其役功之法既載者言先施貢賦役載於書也謂計人多少賦功配役載於書籍然後徵而用之以治水也冀州如此則餘州亦然故於此特記之也主肅云言已賦功屬役載於書籍傳意當然鄭云載之言事事謂作徒役也禹知所當治水又知用徒之數則書於策以告帝徵役而治之惟解載字為異其意亦同也

壺口治梁及岐
壺口在冀州梁岐在雍州從東循山治水而西

疏傳
口至而西

正義曰史記稱高祖入咸陽蕭何先收圖籍則奏焚詩書圖籍皆在孔君去漢初七八

十年耳身爲武帝博士必當具見圖籍其山川所
在必是驗實而知壺口在冀州梁岐在雍州當時
疆界爲然也此於冀州之分言及雍州之山者從
東循山治水而西故也鄭云於此言治梁及岐者
蓋治水從下起以襄水害易也班固作漢書地理
志據前漢郡縣言山川所在志云壺口在河東北
屈縣東南應劭云已有南屈故稱北屈梁山在左
焉翊夏陽縣西北岐山在右扶風美陽縣西北然
則壺口西至梁山梁山西至岐山從東而向西言
之也經於壺口之下言治者孔意蓋云欲見上下
皆治也

既修太原至于岳陽

高平曰太原今以爲郡名岳太岳在

太原西南

疏

傳高平至曰陽

▲

正義曰太原原之

山南曰陽大者漢書以爲郡名傳欲省文故云
高平曰太原今以爲郡名即晉陽縣是也釋地云
廣平曰原高平曰陸孔以太原地高故言高平其

地高而廣也。下文導山云：壺口雷首至于太岳，知此岳即太岳也。屬河東郡在太原西南也。地理志云：河東，彘縣東有霍太山，此彘縣。周厲王所奔，順帝改為永安縣。周禮職方氏：冀州其山鎮曰霍山。即此太岳是也。山南見曰故山，南曰陽，此說循理。平地言從太原至岳山之南，故云岳陽也。

懷底績至于衡漳

入河從覃懷近河地名漳水橫流

疏

傳覃懷至衡漳

▲正義曰：地理志河內郡有懷縣在河之北，蓋覃懷二字共為一地，故云近河。

地名衡，即古橫。字漳水橫流入河，故云橫漳。漳在懷北五百餘里，從覃懷致功而北至橫漳也。地理志云：清漳水出上黨沾縣，大魁谷東北至渤海。阜城縣入河，過郡五行千六百八十里。此沾縣因水為名。志又云：沾水出壺關。志又云：濁漳水出長子縣，東至鄴縣入清漳。鄭玄亦云：橫漳，漳水橫流。王

肅云衡漳

二水名 厥土惟白壤

無塊曰壤水去土

疏傳

塊至而壤

正義曰九章算術穿地四為壤五壤

為息土則壤是土和緩之名故云無塊曰壤此土

本色為然水去土復其性色白而壤雍州色黃而

壤豫州直言壤不言其色蓋州內之土不純一色

故不得 厥賦惟上上錯賦謂土地所生以供天子

言色也 上上第一錯雜雜出第二

之 疏傳賦謂至之賦 正義曰以文承厥土之下

賦序云任土作貢又賦者稅斂之名往者洪水

為災民皆墊溺九州賦稅蓋亦不行水災既除土

復本性以作貢賦之差故云賦謂土地所生以供

天子謂稅穀以供天子鄭玄云此州入穀不貢是

也因九州差為九等土上是第一也交錯是間雜

之義故錯為雜也顧氏云上上之下即次上中故

云雜出第二之賦也孟子稱稅什一為正輕之於

堯舜爲大貉小貉重之於堯舜爲大桀小桀則此時亦什一稅俱什一而得爲九等差者人功有強弱收穫有多少得以荊州田第八賦第三爲人功修也雍州田第一賦第六爲人功少也是據人功多少摠計以定差此州以上上爲正而雜爲次等言出上上時多而上中時少也多者爲正少者爲雜故云第一此州言上上錯者少在正下故先言上上而後言錯豫州言錯上中者少在正上故先言錯而後言上中揚州云下上上錯不言錯下上者以本設九等分三品爲之上中下下上本是異品故變文言下上上錯也梁州云下中三錯者梁州之賦凡有三等其出下中時多故以下中爲正上有下上上下有下下三等雜出故言三錯足明雜有下上上下可知也此九等所較無多諸州相準爲等級耳此計大率所得非上科定也但治水據田責其什一隨土豐瘠是上之任土而下所獻自

有差降即以差等為上之定賦也然一外一降不可常同冀州自出第二與豫州同時則無第一之賦豫州與冀州第一同時則無第二之賦或容如此事不可恒鄭玄云賦之差一井上上出九夫稅下下出一夫稅通率九州一井稅五夫如鄭此言上上出稅九倍多於下下鄭詩箋云井稅一夫其田百畝若上上一井稅一夫則下下九井乃出一夫稅太少矣若下下井稅一夫則上上全入官矣豈容輕重

厥田惟中中

田之高下肥瘠九州之中為第五

疏

傳田

之至第五▲正義曰鄭玄云田著高下之等者當為水害備也則鄭謂地形高下為九等也王肅云言其土地各有肥瘠則肅定其肥瘠以為九等也如鄭之義高處地瘠出物既少不得為上如肅之義肥處地下水害所傷出物既少不得為上故孔云高下肥瘠共相參對以為九等上言敷土此言

田田土異者鄭玄云地當陰陽之中能吐生萬
物者曰土據人功作力競得而田之則為之田田
王異名義恒衛既從大陸既作二水已治從其
當然也故道大陸之地

已可疏傳二水至耕作正義曰二水汎溢漫流
新作已治從其故道故今已可耕作也青州維

滿其道與此恒衛既從同是從故道也荊州雲土
夢作又與此大陸既作同是水治可耕作也其文

不同史異辭耳無義例也壺口與雍州之山連文
故傳言壺口在冀州此無所嫌故不言在冀州以

下皆如此也地理志云恒水出常山上曲陽縣東
入滹水衛水出常山靈壽縣東北入滹施大陸在

鉅鹿縣北釋地十藪云晉有大陸孫炎等皆云今
鉅鹿縣北廣河澤也郭璞云廣河猶大陸以地名

言之近為是也春秋魏獻子敗于大陸焚焉還卒
于霅杜氏春秋說云嫌鉅鹿絕遠以為汲郡修武

縣吳澤也。審即修武也。然此二澤相去甚遠，所以得為大陸者，以爾雅廣平曰陸，但廣而平者則名大陸，故異所而同名焉。然此二澤地形卑下，得以廣平為陸者，澤雖卑下，旁帶廣平之地，故統名焉。故大陸澤名廣河，以旁近大陸故也。

島夷皮服

海曲謂之島，居島之夷，遠服其皮，明

水害

疏

傳海曲至害除。▲正義曰：孔讀鳥為島，島是海中之山，九章筭術所云海島邈絕，不

可踐量是也。傳云海曲謂之島，謂其海曲有山，夷居其上，此居島之夷，常衣鳥獸之皮，為遭洪水，衣食不足，今還得衣其皮服，以明水害除也。鄭玄云鳥夷，東方之民，搏食鳥獸者也。王肅云：鳥夷，東北夷國名也。夾右碣石入于河。

夾右碣石入于河

碣石海畔山，禹夾行此山之右而入

河，通上此州，帝都不說境界，以餘州所至則可知。先賦後田，亦殊於餘州，不言貢篚，亦差於餘州。

疏

傳碣石至餘州

正義曰地理志云碣石山在北

平驪城縣西南是碣石為海畔山也鄭云戰國

策碣石在九門縣今屬常山郡蓋別有碣石與此

名同今驗九門無此山也下文導河入于海傳云

入於渤海渤海之郡當以此海為名計渤海北距

碣石五百餘里河入海處遠在碣石之南禹行碣

石不得入於河也蓋遠行通水之處北盡冀州之

境然後南迴入河而逆上也夾右者孔云夾行此

山之右則行碣石山西南行入河在碣石之右故

云夾右也顧氏亦云山山西曰右鄭玄云禹由碣石

山西北行盡冀州之境還從山東南行入河鄭以

北行則東為右南行西為右故夾山兩旁山常居

右與孔異也梁州傳云浮東渡河而還帝都白所

治也則入河逆上為還都白所治也禹之治水必

每州巡行度其形勢計其入功施設規模指授方

略令人分布並作還都曰帝所知於時帝都近河